



**Vademecum Sive Praxis Opera Quotidiana Aliaque ritè
peragendi, & per ea salutem & perfectionem propriam, ac
proximi, instituto Societatis Jesu conformem assequendi**

De crebrâ per diem mentis in Deum elevatione ex omnibus, quæ per
sensus attinguntur, animæque potentiis se objiciunt

Limpens, Ferdinand

Coloniæ Agrippinæ, 1744

Gymnasia, Mausolea, Sepulchra.

Nutzungsbedingungen

[urn:nbn:de:hbz:466:1-54773](#)

*Pars secunda de elevatione
bentur in terram usque ad pulverem. II. 25.* Hoc contigit Jerosolymæ, & tot fortissimis ex post Christianorum munitionibus, quas Deus in pœnam peccatorum per Turcas aliosque Barbaros solo æquavit, & in nihilum redegit. Sic quoque intellige illud Ps. 88. *Destruisti omnes
sepes ejus (septa & munimenta regni) posuisti
firmamentum ejus formidinem.* Hoc est, fecisti ut in ipsis firmis munitionibus trepidarent, vel etiam inter eos fortiores ac generosiores, & quasi eorum firmamentum panico terrore percellerentur. *Circundabunt te inimici tui vallo,
& coangustabunt te undique.* Luc. 19. Symbolum animæ peccatricis in agone à Dæmonie & malâ conscientiâ oppugnata:

Gymnasia, Mausolea, Sepulchra.

*F*ason ausus est sub ipsa arce [Jerosolymæ] Gymnasium [pro addiscendis ritibus genitilium] constituere & optimos quoque ephæborum in Ipanaribus ponere. 2. Machab. 4. Sic Gentiles & Hæretici semper conati sunt Catholicos carnis voluptatibus dementare, & à vera fide abducere. Benedicta Gymnasia Catholicorum, in quibus præter omnigenas scientias boni mores, vera fides, timor Dei & virtutes edocentur.

Mortuus est [Josias] & sepultus in Mausoleo Patrium suorum, & universus Iuda & Jerusalēm luxerunt eum. 2. Paral. 35. Principes pii, quorum mors ob piū ac mite regimen deploratur

à subditis, post mortem merentur tales honores. Sed quid juvat in peccatis mortuos, ut eunque magni sint, quod corpora eorum balsamo delibata regio aut militari cultu in lecto pomposo aliquot diebus prostent, & demum magnifico inferantur Mausoleo, dum durantibus hisce pompis ac cærimoniijam tum animæ eorum cremantur in inferno. *Vocatus est locus sepulchra concupiscentia.* Num. 11. Ubi nimicum mortui ac sepulti, qui coturnices voraverant, & carnes præ manna appetierant. Symbola hominum, qui curyas in terram habent animas & cælestium inanes. *Solum mihi superstes est sepulchrum.* Job. 17. Hoc dicere possunt clientes mundi, dum divitias, subditos honores, voluptates deserere debent, & tunc sed sero nimis omnia esse vana agnoscunt. *Similes estis [Pharisæi exteriùs simulantes devotionem] sepulchris dealbatis,* Matt. 23. intrinsecus plenis serpentibus. *Sepulchrum patens est guttur eorum.* Rom. 3. fraudulentorum, lascivorum, &c. *Nunquid narrabit aliquis in sepulchro misericordiam tuam?* nunquid cognoscuntur in tenebris (apud inferos, ubi est tenebrarum regio) *mirabilia tua, & iustitia in terra oblivionis?* Ps. 87. Magnates enim utcunque pomposè sepulti intra breve tempus traduntur oblivioni. Quam autem felices sunt, de quibus verificatur illud Eccl. 44. *Corpora eorum in pace sepulta sunt, & nomina eorum vivent in secula.* Quam gloriosum est hominis istius sepulchrum, cuius anima in cælos recepta in extremo die gloriose unicatur

262 *Pars secunda de elevatione*
tur corpori ex sepulchro resurgentι, & collo-
cabitur ad dextram Iudicis æternū Deo frui-
tura. Diogenes ossa mortuorum hinc inde ver-
tens Alexandro dicebat, se non invenire discri-
men inter ossa Regum & Plebeiorum. Tunc
quilibet magnam videbit differentiam inter re-
surgentēs etiam ex eodem sepulchro. Hoc se-
riō pensent, qui pro anima parum solliciti tam
sollicitē provident, ut fœtenti post mortem cor-
pori exhibeantur honores. *Erit sepulchrum ejus*
gloriosum. If. 11. Hoc de materiali Christi se-
pulchro imprimis verum est. Cūm, sicut olim
in infinitis miraculis claruit, & ab Imperatricē
Helena nobilissimo templo exornatum fuit, ita
& usque huc ad illud licet in media Turcarum
barbarie situm perpetuus sit peregrinorum fide-
lium accursus. Cæterū hebraicē & græcē c. e.
habentur hæc verba: *Erit requies ejus in gloria.*
Unde *sepulchrum* hic non tam locum significat,
in quo positum sacrum Christi Corpus, quam
ipsam ejus gloriosam mortem nostræ vicissim
quietis sempiternæ causam.

Bibliotheca,
In quibus libri sacri, profani, impressi, manu-
scripti de omni scibili.

Sæpè hæc sunt publica & pomposa ædificia,
Varii Reges, Gentiles, Christiani, divites &
Magnates habuerunt, & adhucdum habent de-
siderium insatiabile, ingentem librorum cuius-
vis generis copiam coacervandi. Sed vanitas
sapit